

adr-

ALTERNATIV DEMOKRATESCH
REFORMPARTEI

de pefferkär

D'Alternativ fir Esch

Gemengewahlen 2017

ADR: Fir de Choix

D'ADR ass d'Partei vun der Rentegerechtgheet. D'ADR ass d'Partei vum Referendum, mat hirem 3x Nee. D'ADR huet gewisen, datt si denkt, wéi d'Leit am Land och denken.

D'ADR ass eng jonk Partei mat just 30 Joer. Vun hire soziale Wuerzelen huet si sech weiderentwéckelt zu enger sozial engagéierter, un de Wäerter vum Land orientierter Partei. D'ADR verdedegt d'Demokratie an d'Rechter vum Einzelnen. Duerfir wëlle mir eis Asaz an der Gemegepolitik verstärken.

Mir bezéie kloer Positiounen, an eis Hauptthemen bleiwen an der Gemegepolitik aktuell

- Lëtzebuerger Sprooch a Kultur
- Integratioun

- Schoul, Familljen- a Sozialpolitik
- Antriede fir d'Privatsphär an d'Meenungsfräiheet, mee och fir d'Sécherheet
- eng humanistesche a rechtliche Approch zur Flüchtlingspolitik
- Hannerfroen vun den EU-Exzessen an d'Betonen vum Wäert vum Nationalstaat
- fräi Maarktwirtschaft a keng Verwaltungswaasserkäpp.

D'ADR verdedegt de Prinzip vun enger staarker Gemengenautonomie. Nom Subsidiaritätsprinzip soll de Staat sech just ëm Aufgaben këmmern, déi net besser vun der Gemeng ze erleeede sinn.

Esch: Eng Stad fir all Bierger?

Märsinnhoufreg, datt d'sozialt Netz zu Esch stramm gespaant ass an datt d'Gemeng duerfir och Unerkennung kritt. Domat huet d'Buergermeeschtesch sech am Juli/August genuch gebreet. Mee trotz aller Hëllef gëtt de Misär zu Esch vu Joer zu Joer nach méi grouss.

Mär sinn eis bewosst, datt eng Stad mat ville Leit am Chômage a mat villen, déi net ouni sozialen Ausgläich kënnen liewen, ka Problemer kréien.

Et gëtt fir déi Leit net genuch Geleeënheeten, sech ze beschäftegen, a net genuch Plazen, wou si sech kënnen ophalen. Ganz konkret sinn dës Leit de ganzen Dag op der Strooss. Déi meescht probéieren, sech ze beschäftegen an aktiv hir eeg Situation ze verbesseren. Mee leider sinn et d'Ausnahmen, déi opfalen: Gruppierung, Klengkriminalitéit, Pöbeleien, Kleppereien, ennerenee a mat aneren, Heescheit viru ville Geschäften

a sëllege Police-Asätz suergen d'fir, datt e ganz schlecht Bild vun Esch am Land entsteet. Do geschitt scho jorelaang guer näischt.

Ze vill Escher müssen all Su ëmdréien, an d'fir hunn d'Geschäfte an der „gréisster Foussgängerzon vum Land“ Schwierigkeiten. E grouss Metzlesch-Betrieb aus der Uelzechtstrooss huet elo d'Dir zu Esch definitiv zou gemaach ... fir op Diddeleng ze plënnern.

Esch muss nees attraktiv fir all Mënsch ginn.



Goudronflecken an der Strooss, Knascht op de Baatschen: dat ass Esch haut!

Inhaltsverzeechnes

ADR: Fir de Choix Esch: Eng Stad fir all Bierger	Säit 1
Sport, Gesondheet a Kultur Zu all Stonn mobil ... bis an d'Stad	Säit 2
D'Lëtzebuerger Sprooch a Kultur op déi éischt Plaz Behënnerten- a senioregerecht Politik 6 Prioritéiten fir Är Gemeng Solidaritéit a Gerechtegheet Verkëier am géigesäitege Respekt	Säit 3
Kompetent politesch Gouvernance, w.e.g.!	Säit 4
Mëmbler-Formular	
Konkret Hëllef fir Famillje mat Kanner! Tourismus läit eis um Häerz	Säit 5
Flüchtlengen ophuelen, mat Häerz, awer och Verstand Keng Parkplazsuergen fir d'Awunner	Säit 6
Ëmwelt a Liewensqualitéit sinn eis wichteg	Säit 7
Eis Kandidaten fir Är Gemeng	Säit 8



Walprogramm (Lëtzebueresch)

- https://adr.lu/alternativ_2017_l/

Wahlprogramm (Deutsch)

- https://adr.lu/alternativ_2017_d/

Programme électoral (Français)

- https://adr.lu/alternativ_2017_f/

Election program (English)

- https://adr.lu/alternativ_2017_e/

Programa eleitoral (Português)

- https://adr.lu/alternativ_2017_pt/



Alternativen am Sport, bei der Gesondheet an der Kultur

D'ADR an der Gemeng setzt sech och an am Beräich ...

... Sport:

Am Aklang mat de reelle Bedierfnesser vun de Clibb setzt sech d'ADR voll a ganz fir d'ënnerstëtzung vu lokale Sportsveräiner an. Mir sinn der Meenung, datt een iwwert den Engagement vun de Sportsclubb integrativ d'Kanner- a Jugendbetreung ënnerstëtze kann. Sportprogrammer sollen sech zudeem un de breede Publikum riichten, a Bierger aus allen Altersklasse sollen u sportlechen Aktivitéiten deelhuele kënnen. D'ADR an ärer Gemeng wäert

- deene villen erfollegräichen lokale Sportsveräiner weider finanziell ënnert d'Äerm gräifen an hinnen all déi néideg Infrastruktur zur Verfügung stellen an an der Rei halen
- D'Sportbegeeschterung zu Esch erfuerdert innovativ Léisungen a Saache Verkéier a Parking, besonnesch bei Spëtzenmatcher
- Sport och am drëtten Alter mat adaptéierte Méiglechkeete fërderen an ënnerstëtzen
- eng global Versécherung ofschléisse fir Fräizäitaktivitéiten, déi d'Gemeng ubidd an och fir de Velos-Service vun der Gemeng
- Sportinstallatiounen an de Parken opstellen firall Publikum



Sport fänkt scho bei deene klengen un ...

... Gesondheet:

D'ADR wäert am Beräich vun der Gesondheet:

- Konzepter erschafe, déi d'Versuergung um medezineschen Niveau verbessere
- Sech fir all Spidol a Klinik zu Esch asetzen fir datt déi Haiser kënnen wéi bis elo weider funktionéieren.

... Kultur:

D'Fërderung vun engem spannenden a faarwege Kulturliwwen ass eng zentral Aufgab. D'ADR wäert:

- eisen Theater als eegestänneg Bühn fir Kreatiounen ënnerstëtzen
- lokal Kulturveräiner a Kulturhaiser beim Erschafe vun engem variéierte Kulturprogramm materiell ënnerstëtzen
- systematesch ëffentlech «Bicherschief» an de Quartieren opstellen
- kulturell Veranstaltungen (Concerten/Theater) an der Gemeng organiséieren/ënnerstëtzen - och mat Akzent op d'Lëtzebuerger Kultur
- d'Lëtzebuerger Kultur fleegen an un auslännesch Matbierger vermëttelen fir d'Integratioun ze fërderen

adr-
ALTERNATIV DEMOKRATESCH
REFORMPARTEI

D'Alternativ fir Är Gemeng!

www.adr.lu

Zu all Stonn mobil ... bis an d'Stad

Dacks géinge grad eeler Leit a Jonker gär op eng kulturell Manifestatioun. Mam ëffentlechen Transport kéime si jo nach dohin, mee fir zeréck klappt dat owes net méi esou gutt. Och wann den ëffentlechen Transport ëmmer nei Formen unhëllt, bleiwen ëmmer nach Leit d'Affer vun den Horairen.

Et muss och méiglech sinn, aus dem Kino, dem Concert oder dem Theater an der Stad zréck op Esch ze kommen ... an zwar ouni Hetz a wa méiglech esou guer nach mat Zäit fir iwwer dat Erliedent op der Plaz e bëssen schnëssen ze kënnen.

Wann eng Gemeng do keng eege Solutioun unzibidden huet, misst se op mannst derfir suergen, dat de leschten Zuch aus der Stad net um 12 Minutte virun 12 fiert.

D'Lëtzebuerger Sprooch a Kultur op déi éischt Plaz!

D'ADR ass déi Partei, déi sech wéi keng aner an ouni Kompromesser fir d'Lëtzebuerger Sprooch asetzt. Mir setzen eis dofir an, datt d'Lëtzebuerger Sprooch net nëmmen op nationalem, mee och op kommunalem Niveau zu hirem Recht kënnt.

D'ADR setzt sech dofir an, datt d'Lëtzebuerger Sprooch un éischter Plaz steet:

- an de Gemengepublikatiounen
- a Bréiwer, Dokumenter an Informatiounen
- um Internet-Site vun der Gemeng
- an der Äntwert op een - op Lëtzebuergesch

formuléierte - Bréif

- op Stroosseschëlde
- als Integratiounshëllef mat gratis Sproochkursen (eventuell mat enger Aschreiwtax, déi bei Presenz an de Couren zeréckbezuelkt gëtt). Déi Couren sollen och ausserhalb vun übleche Schaffzäiten ugebuede ginn.

D'ADR huet kee Problem domat, wann d'Awunner vu Lëtzebuerg och an anere Sproochen informéiert ginn. Allerdéngs hale mir dorop, datt Lëtzebuergesch déi éischt Sprooch ass.



Den Internet-Site fir d'éischt op Lëtzebuergesch, w.e.g.!



Wat gelift?

Behënnerten- a senioregerecht Politik

Ëmmer nach stoussen eeler Leit oder Leit mat enger Behënnernung op schwierig Situatiounen, déi hinnen et net erlaben, u gesellschaftlechen Uläss deelzehuelen oder sech fräi an der Gemeng ze beweegen, ouni op äusserlech Aschränkungen ze stoussen. D'ADR setzt sech dofir an, datt déi gesamt Gemengeninfrastruktur am Laf vun der nächster Legislaturperiod behënnerten- a senioregerecht gemaach gëtt.

Dëst betrëfft esouwuel den Accès wéi och d'Beweegen ënnerhalb:

- vun administrativen a kulturelle Gebaier
- Gebaier vu Bildungs- a Betreuungsstrukturen
- Gebaier vum Gesondheetssystem a vu Fleegestrukturen
- Kierchen a Kierfechter
- Sport- a Fräizäitanlagen
- Sanitär-Anlagen
- Foussgängerluuchten, Stroosseniwweggä, Busarrêten ...

Duerfir muss en **Inventar** opgestallt ginn, an deem fir all ëffentlech Infrastruktur an der Gemeng festgehale gëtt, ob si behënnerten- a senioregerecht ass. Am Gemengebudget muss all Joer e Programm a Kreditter festgehale ginn, fir dëst ze verbesseren.

Desweideren wäert d'ADR d'Bautereglement esou änneren, datt nei Appartementshaier a Geschäftslokaler direkt no **behënnerten- a senioregerechte Kritäre** musse gebaut ginn.

D'ADR wäert dofir suergen, datt eng integral behënnerten- a seniorefrëndlech Upassung vun alle Gemengeinfrastrukturen **net just a Sonndesriede** versprach gëtt, mee och an d'Realitéit ëmgesat gëtt.



Näischt fir Rollstill, Rollatore oder Kannerkutschen (rue Müller- Tesch)

6 Prioritéiten fir Är Gemeng

1. **Bezielbaart Wunnen:** D'ADR huet konkret Solutiounen fir d'Gemeng!
2. **Ëffentlech Sécherheet heescht Sécherheet fir jiddereen:** Eis Gemenge brauche méi Police, eis Bierger brauche Kommissariater, do, wou si wunnen.
3. **Mobilitéit ouni Dirigismus:** D'Gemeng organiséiert de Matenee vun Auto, Foussgänger a Velo. Si mécht net de Choix vum Verkéiersmëttel.
4. **Famillje mat Kanner beschméiglech ënnerstëtzen:** Mir brauchen Uertschaften, wou Kanner sech kënne wuelfillen an entfalten.
5. **D'Lëtzebuerger Sprooch als wichtegst Mëttel zur Integratioun:** Un der Gemeng ass et, eis Sprooch ze verbreedern.
6. **Flüchtlingen ophuelen, mat Häerz awer OCH mat Verstand:** D'Gemeng muss an dëser Fro matschwätzen an d'Decisiounen dierfen net iwwer d'Käpp vun de Bierger ewech geholl ginn.

Solidaritéit a Gerechtegkeet

Solidaritéit a sozial Gerechtegkeet droen zu enger gudder Liewensqualitéit bäi. Fir d'Solidaritéit géigeniwwer deene Matbierger am héijen Alter an deene mat Krankheeten oder Behënnernungen, muss och d'Gemeng mat Verantwortung droen. D'Gemeng soll zesumme mat spezialiséierten Associatiounen an Hëllefsgéingschter dozou bäidroen, datt déi betraffe Leit net aus dem gesellschaftlechen, kulturellen a sportleche Gemengeliewen ausgeschloss ginn.

Fir dëser Verantwortung gerecht ze ginn, suergt d'ADR dofir, datt d'Gemeng

- intergenerationell Projete ausschafft a fërdert
- e qualitativ héichwäertegen an ëmweltfrëndleche Service "lessen op Rieder" ubitt
- e flexiblen Transport fir déi Betraffen ubitt, fir um alldeegleche Liewe kënnen deelzehuelen
- Komfort- a Gesondheetsgéingschter am Quartierszentrum huet (Epicerie, Bäckerei, Zeitungsbuttek, Bancomat, Apdikt, Praxis vun Dokter)
- kommunal Gebailechkeete fir esou Dégingschter iwwer de Wee vum symbolesche Loyer zur Verfügung stellt

Verkëier am géigesäitege Respekt

D'Foussgänger sinn am Verkëier dacks déi Domm. Nei Forme vum Matenee am Verkëier (Shared Space, Foussgängerzonen mat Velos-Traffic ...) a nei Forme vun der Fortbeweegung (Gefierer mat elektresche Motoren) bréngen hinnen zousätzlech Geforen. D'ADR wäert esou geféierlech Situatiounen genee analyséieren.

Fir eis sinn eng Foussgängerzone oder en Trëttoir net do, fir Konschten um Velo virzeféieren. Mee och a gemëschten Zonen soll kee mutwëlleg behënnert ginn.

Besounesch wäerte mär préifen, ob Einbahnstroossen, an deene Veloën dierfen an zwou Richtunge fueren, wierklech Viirdeeler brengen oder just en onnéidege Geforepunkt sinn. Mir hätt gär méi Respekt am Verkëier a gezilt Police-Aktiounen fir dat duerchsetzen.

Kompetent politesch Gouvernance, w.e.g.!



Schlecht Gouvernance: Joerelaang Ruinen an der Uelzechtstrooss ...

D'ADR steet fir eng staark Gemengenautonomie: All Themen, déi op kommunalem Niveau behandelt kënnen ginn, sollen och an der Verantwortung vun der Gemeng bleiwen. Mir setzen eis a fir eng selbstbestëmmt an eegenverantwortlech Gemeng. Fir datt d'Gemengepolitiker an deem Sënn hirer wichteger Aufgab voll a ganz gerecht kënnen ginn, well d'ADR an ärer Gemeng ëmsetzen:

- Eng systematesch Ënnerstëtzung vun de Gemengen- a Schäfferéit duerch Besiche vu Formatiounen a Weiderbildungen

D'ADR an ärer Gemeng setzt sech desweidere fir eng verantwortungsvoll a nohalteg Finanzpolitik an.

- Wann iergend méiglech keng Erhéijung vun den Taxen oder Gemengesteieren
- Wann iergend méiglech kee Léine vu Suen. D'Léine bleift d'Ausnam an där d'Gemeng nëmmen dann ugewannt ginn, wann et sech op konkret a sënnvoll Investitiounen bezitt.



... a katastrofal Stroosseschied (hei: Mâcon-Strooss).

- Investitiounen sinn da sënnvoll, wa méiglechst vill Bierger dovun profitéieren (natierlech ouni dobäi déi Léit mat spezielle Bedürfnisser ze vergiessen)
- D'ADR mécht sech staark géint Korruptioun a Vetterwirtschaft op kommunalem Niveau!

D'ADR an ärer Gemeng setzt sech dofir an, datt d'Entwécklungshëllef prioritär eng staatlech, a net eng kommunal Aufgab bleift.

- Wëllen d'Gemengen eegen Programmer fir Entwécklungshëllef opstellen, sollen dës mam Staat koordinéiert ginn, fir duebel Aarbecht an Inkohärenzen ze verhënneren

D'ADR an ärer Gemeng setzt sech a fir méi Biergerbedeelegung.

- Bei wichteger kommunaler Froe soll de Bierger matschwätzen dierfen!
- Et soll an deem Sënn kënnen ee Referendum op kommunalem Niveau ofgehale ginn!

----- ausschneiden an un ADR 20, rue de l'Eau L-1449 Lëtzebuerg schécken -----



Gidd Member an der ADR, a frot och Aër Familljemembren a Frënn, fir Member ze ginn.

De Joresbeitrag ass fir eng Persoun 14.-€, fir e Stot 20.-€, a fir Schüler a Studenten 5.-€

Numm & Virnumm:

Adress:

.....

Telefon:

Email:

de pefferkär

Oplag: 15.300

Verantwortlech fir dës

Pefferkär

fir d'Gemeng Esch ass

d'Alternativ Demokratesch

Reformpartei

22, rue de l'Eau

L-1449 Lëtzebuerg

www.adr.lu

Konkret Hëllef fir Famillje mat Kanner!



Genuch Crèchen, ob privat oder vun der Gemeng, si gefrot

D'Kanner sinn d'Zukunft vun eiser Gesellschaft. Eng optimal Betreierung an Erzéiung, déi och de neie Liewensgewunnechte gerecht gëtt, huet fir d'ADR absolut Prioritéit. D'ADR wëllt den Elteren de Choix loossen, hir Kanner selwer ze erzéien oder qualitativ héichwäerteg Strukturen ze gebrauchen. Wichteg sinn eis dobäi besonnesch och d'Problemer vun elengerzéienden Elteren. An deem Kontext stellen sech och op kommunalem Niveau eng ganz Rei wichteg Erausforderungen, déi d'ADR bereet ass, zu Esch unzepaken, andeems mär:

- eis asetze fir qualitativ héichwäerteg Crèchen a genuch Plazen an de Gemengecrèchen

- en oppenen Dialog tëscht den Elteren, der Gemeng an de Betreierungsstrukturen (Jugendhaus, Crèchen, Schoulen asw.) fördern. Méiglech Defiziter musse méiglechst séier erkannt a verbessert ginn
- eis asetzen, fir eng Maison Relais zu familljefrëndlechen Auerzäiten a mat Zougang op eng Bibliothék, en Turnsall a Computere fir d'Kanner
- d'Interesse vun de Kanner u kommunale Veräinsstrukturen (Sportsveräiner, Museks- an Theaterveräiner asw.) fördern a si fréistméiglech an d'Veräinsliewen abezéien (bzw. duerch Schnupperformatiounen)

- d'Jugend beroden, hinne Fräizäitméiglechkeete bidden an hinnen hëllefen, sech op d'Aarbecht virzebereeden (mat engem qualitative Konzept fir Projeten zur berufflecher Orientéierung)

- Aarmut biergerno an onbürokratesch bekämpfen an d'Prozedure fir d'Ufroer vun Hëllef vereinfachen

- e familljen- a kannerfrëndleche Kader schaffen, mat Spillplazen, ëffentlech Wéckeldëscher, asw.



Ass dat e Schoulglänner, wat Loscht mécht op Léieren oder spillen?



Tourismus och zu Esch eng Alternativ ...

Tourismus läit eis um Häerz!

Fir vill Gemenge spillt den Tourismus eng wichteg Roll. Dofir dréit nieft dem Stat och d'Gemeng an eisen Aen mat Verantwortung an dësem Beräich.

D'ADR wäert:

- regional an interkommunal Vëlospisten a Foussweeër
 - ausbauen an ënnerhalen
 - korrekt an iwwersiichtlech beschëlderen
- ëm den Tourismus beméite lokal a regional Syndikater an Tourismusbüroen ënnerstëtzen, fir touristeschen Hebergermenter an Aktivitéiten an der Gemeng ze hëllefen
- duerch Moosnamen iwwert d'Gemengereglement verhënneren, datt nei Forme fir Touristen opzehuelen (wou z.B. privat Leit hir Zëmmeren zur Verfügung stellen), deenen an der Gemeng etabléierten Hotellen deloyal Konkurrenz maachen
- historesch Bausubstanzen erhalen.

Matschaffen! Froen? Ureegungen!

Hutt Dir Froen oder Ureegungen oder wëllt Dir bei ons aktiv matschaffen, dann zéckt net a rufft un, ënner der Nummer:

+352 26 20 37 06

Flüchtlingen ophuelen, mat Häerz, awer och Verstand

Bei der Flüchtlingspolitik ass d'ADR fir human Léisungen, ënner Berécksiichtigung vun deene relevanten internationale Konventionen. Mir sinn net d'accord mat der Flüchtlingspolitik vun der EU a Regierung. Europa kann net jiddereen ophuelen a Lëtzebuerg scho guer net. Dowéinst wëll d'ADR deene Leit Hëllef bidden, déi d'Hëllef wierklech brauchen an déi am Land sinn.

D'ADR ass géint e Quotesystem fir d'Migranten op d'Gemengen ze verdeelen. Mir bestinn op de Prinzip vum fräie Wëllen, geknäppt u Konditiounen. Fir d'Opnam an der Gemeng gëllt:

- net de Stat eleng decidéiert, mee och déi eenzel Gemeng an hir Bierger entscheede mat iwwer d'Opnam vu Flüchtlingen hält

eng Gemeng fräiwëlleg Flüchtlingen op, kréie si Ënnerstëtzung vum Stat

- fir Flüchtlingen opzehuelen, muss d'Gemeng e volontaristischen Integratiounsplang hunn mat der Flüchtlingsopnam duerf et net zu Parallelgesellschaften kommen

Fir d'Wunnengsfro gëllt:

- sougenannte Containerdierfer brauchen den Accord vun der Gemeng
- de Stat soll net just iwwer d'Prozedur vum POS (plan d'occupation des sols) verfueren
- et dierf net zu "Ghettoen" kommen

- et gi kloer Prozedure fir ALL Leit, déi eng Wunneng brauchen a sichen, ouni Privilegierung oder Diskriminierung vun engen oder aneren

Fir d'Integratioun vun deene Flüchtlingen, déi bleiwen dierfen, gëllt:

- d'Gemeng huet eng aktiv Roll am Dialog tëscht de Flüchtlingen an de Bierger a Veräiner
- en Integratiounsplang muss opgestallt ginn, fir d'Leit, déi bleiwen dierfen, Lëtzebuergesch ze léieren a si optimal ze integréieren
- d'Kanner sollen an d'Aktivitéiten vu kommunale Betreungsstrukturen agebonne gin
- Kanner am Grondschulalter, sollen an der kommunaler Grondschoul opgeholl ginn, ënnert der strikter Bedéngung, datt de Schoulministère zousätzlech Ressourcen (besonnesch Personal a Material) dofir bereet stellt



Quai Neiduerf, wou e weidert Flüchtlingsheem geplangt ass.

Keng Parkplatzsuerger fir d'Awunner

D'Parksituatioun an der Gemeng gëtt ëmmer méi schwéier. Duerfir sti mir fir de generaliséierte Parking résidentiel an alle Wunnzonen. Op de Gemengen-Parkplazen, déi net fir P&R sinn, ass d'Parkdauer vu 7 Auer mueres bis 18 Auer op 4 Stonne limitéiert, fir Pendler ewechzehalen.

Mir wëllen de Parking résidentiel an der Gemeng eenheetlech reegelen. Eng Vignette soll Awunner onbegrenzt Parkrecht an hirem Quartier an zousätzlech **mindestens 2 fräi Parkstonnen um iwwregen Terrain vun der Gemeng** ginn.

Mam Staat schafe mir bei de Garen genuch **P&R-Plazen**. Flegdénsgchter am Asaz beim Bierger kréie bei eis eng **gratis Parkvignette**.


D'ADR wäert derfir suergen, datt **Betriebscamionetten** net an de Wunnquartiere parken. Wou méiglech sollen obligatoresch Parkplaze fir dës Gefierer agericht ginn.

D'Gemeng muss Leit, déi en Auto hunn, net mutwëlles verschenkt ginn. D'Stad hëllef, an net si pisacken. Parkplazen dierf esou vill Parkraum wéi méiglech.



Mutwëlles verbarrikadéierte Parkraum an der Schoulstrooss, wou d'Residenten keng Platz fannen.

Ëmwelt a Liewensqualitéit sinn eis wichteg!



Och genuch Parkplazen zu fairen Tariffer si Liewensqualitéit.

Der ADR läit d'Ëmwelt um Häerz. Mee d'Problemer mat deem onerhéierte Wuesstem, dee Lëtzebuerg iwver d'Joerzenge kennt, verlaangen no Léisungen.

Gemengen kënnen iwverméissege Waasser- an Energiekonsum an iwverméissegen Offall richtig deier maachen. Si kënnen Bauviirschrëfte maachen, fir datt energiebewusst gebaut gëtt. Si kënnen Gréngzonen definéieren a Land vum Wunnengsbau verschounen. Si kënnen dem Bierger hëllef, säin Dreck ze triéieren a richtig ze entsueren.

Symbolesch an ouni vill Fraisen kann d'Gemeng och engem Klimabond bäitrieden.

Eng Gemeng muss awer ëmmer am Déngscht vum Bierger schaffen.

Si ass do fir dem Bierger ze hëllef an net, fir hien ze schikanéieren.

Dat gëlt och beim Parking: De Bierger däerf vun deene Beamten, déi kontrolléieren, eng gewësse Kulanz erwaarden. Parkreglementer sinn och net do, fir dem Bierger d'Freed um Auto ze huelen. D'Gemeng muss - iwver deier Parkhaiser eraus hiren Awunner genuch Parkméiglechkeeten offréieren.

Si ass och net do, fir hien ze erzéien. De Bierger soll ëmmer de Choix hunn!

"Intelligent Compteuren" hëllef dem Bierger, fir säi Stroumverbrauch ze verstoen. D'Gemeng an de Stat hunn awer kee Recht, op Grond vun dësen Donnéeen dem Bierger seng Gewunnechten ausespionéieren.

D'Liewensqualitéit an de Wunnquartiere heescht: kee wëlle Parking, kee Nuetskaméidi, ëffentlech Feieren do, wou se net d'Nuetsroustéieren ...

Gemengegäier sinn ideal fir effikass Solaranlagen opzestellen: All Bierger ka sech finanziell dodru bedeelegen an dovou profitéieren. Och Kogeneratiounsanlagen maache Sënn.

Duerfir wäert d'ADR an der Gemeng dës Regeln duerchsetzen:

- Gemengeservicer op iwverméissege Ressourcekonsum (Verbëtzen duerch schlecht Waasserleitungen ...) an ëmweltschounend Praktiken präifen (Botz a Planzeschutzmëtzel, Käercher, Bloss-a Suckelapparater fir d'Strooss propper ze halen ...).
- erhalen, wat geschaf ginn ass. Et ka net sinn, datt Stroossen verfale gelooss ginn, bis se fir en Auto bal onbefuerbar sinn
- Infrastrukturen wéi Kanäl, Leitungen a Kläranlagen plangen mam Wuesstum am Hannerkapp.
- en effikassen Asaz vum Personal: Den gudden Asaz vun de Botzekippen ass ëmsoss, wann dat net gutt geplangt ass
- Ëmwelt- an Energienormen dierfen net dem Bierger Nodeeler bréngen oder de Choix huelen.
- 30 Fudder Waasser gratis op de Kapp an duerno eng progressiv gestaffelt Tax.
- Wann eng Gemeng net laanscht d'Erweiterung vum Bauparimeter kënnt, muss dat esou ëmweltschounend wéi méiglech (keng wäertvoll Gréngzonen) an am Respekt vum Uertscharakter (keng laanggezunne Stroossendierfer) geschéien.
- D'Beanträchtegung vun der Liewensqualitéit duerch iwverméissege Kaméidi an iwverméissege Nuetsbelichtung kontrolléieren an aschränken.
- Eng Gemeng brauch net just schéi Parken a Plaze mat Beem a Blumen: Si brauch och Gaardekolonien a Gemeinschaftsgäert a Wäsen, wou d'Leit kënnen spille, Sport dreien ...
- De Bierger hire Wësch (Sondage) bei der Wunndensitéit (Haiser fir méi Familljen) an Awunnerzuel soll no Informationsversammlungen bei der Gemeindeplanung Rechnung gedroe ginn.



Vill Leit schaffe vill fir Esch propper ze halen:
Leider ass hiren Asaz eppes, wéi e Kampf géint Wandmillen.



Cimolino Louis
68 Joer
Pensionéiert



Becker Romain
50 Joer
Mecanicien



Bertemes Alphonse
62 Joer
Pensionéiert



Deischer Jeannot
49 Joer
Salarié



**Dos Santos Fialho
Francisco Paulo**
49 Joer
Salarié



Elter Claude
60 Joer
Pensionéiert



Engel Irène
64 Joer
Pensionéiert



Graas Gino
39 Joer
Aarbechter



Hoegener Jean-Paul
60 Joer
Pensionéiert



Houtsch Roland
57 Joer
Attaché parlementaire



**Klees ép Deischer
Edeltraud**
52 Joer
Hausfra



Konsbrück Malou
52 Joer
Pensionéiert



Leiner Armand
82 Joer
Pensionéiert



Leonard Georges
53 Joer
Pensionéiert



Müller Marceline
49 Joer
Salariée



Nikels Christian
52 Joer
Gemengenaarbechter



Schmit Steve
34 Joer
Salarié



Strottner Jean-Claude
67 Joer
Pensionéiert



Strottner Magali
33 Joer
Salariée